


বেড়ানোর একদিন



জাতীয় শিক্ষাক্রম ও পাঠ্যপুস্তক বোর্ড কর্তৃক প্রকাশিত
(স্ববিস্তৃত প্রকাশক কর্তৃক সংরক্ষিত)

পরীক্ষামূলক সংস্করণ

প্রথম প্রকাশ: ২০১৩

চিত্র

গ্রাফিক্স

শান্ত নামের লাল পোকা ও বৃষ্টি
ডিজাইন



জাতীয় শিক্ষাক্রম ও পাঠ্যপুস্তক বোর্ড, ঢাকা

৬৯-৭০ মতিঝিল বা/এ, ঢাকা-১০০০

বেড়ানোর একদিন



জাতীয় শিক্ষাক্রম ও পাঠ্যপুস্তক বোর্ড, ঢাকা





এক ছিল পেঁচা । আর এক ছিল কাক ।
ওরা দুই বন্ধু ।




পেঁচা আর কাক বেড়াতে খুব পছন্দ করে । একদিন ওরা
পানির নিচে বেড়াতে যাবে ঠিক করল । উড়তে উড়তে
নদীর তীরে পৌঁছাল ওরা ।



ওখানে এক ব্যাঙের সাথে তাদের দেখা । ব্যাঙ
বলল, আমিও যাব তোমাদের সাথে ।



নদীতে ছিল বড় এক বোয়াল মাছ । সেখানে আরও আছে
পুটি, টেংরা, শিং, মাগুর ও নানা রকমের মাছ! তবে
বোয়াল হলো রাজা । সবাই বোয়ালকে ভয় পায় ।




ওরা বোয়াল মাছকে বলল, আমাদের পানির নিচে বেড়াতে
নেবে? আশ্চর্য! বোয়াল মাছ ওদের কথায় রাজি হলো । ওরা
বোয়ালের পিঠে চড়ে বসলো ।



ওরা নদীর তীরে কাশফুল দেখল । পানির নীল রং দেখল ।
পানিতে নিজের ছবি দেখল ।

তারপর টুপ করে পানির নিচে চলে গেল । পেঁচা পাখা
ছড়িয়ে দিল, ব্যাঙ কানে হাত দিল আর কাক অবাক হয়ে
তাকিয়ে রইল ।





একটু পরেই সবাই আনন্দে চাঁচিয়ে বললো, একি! পানির
নিচে কত মাছ! অনেক রঙের মাছ! দারুণ তো!”



আনন্দ করতে করতে হঠাৎ বোয়ালের পিঠ থেকে পিছলে
ওরা পড়ে গেল পানিতে ।



পেঁচা আর কাক তো কোনো মতে উড়ে পানি থেকে বেরিয়ে
এলো । কিন্তু ব্যাঙ চিৎকার করতে লাগলো, বাঁচাও বাঁচাও
কাতল মাছ আমাকে খেয়ে ফেলল ।



কাক আর পেঁচা ভাবছে ব্যাঙকে বাঁচাতে হবে ।
বোয়াল রেগে কাতল মাছের দিকে ছুটল । বোয়াল আর
কাতল মাছে লাগল ঝগড়া ।




এদিকে পেঁচা আর কাক দুজনে মিলে ছোঁ মেঁরে ব্যাঙকে
তুলে নিল ।



এরপর থেকে ওরা চারজন বন্ধু হয়ে গেল ।



ব্যাঙ আর বোয়ালকে ধন্যবাদ দিয়ে ওরা
উড়ে চলল বাড়ির দিকে



জাতীয় শিক্ষাক্রম ও পাঠ্যপুস্তক বোর্ড, ঢাকা

